



Broj: 08-40-589-38/2020

Datum: 21.04.2020. godine

Ministarstvo Sigurnosti BiH  
Međunarodna organizacija za migracije (IOM)  
Ministarstvo unutrašnjih poslova USK-a  
Služba za poslove sa strancima  
IV Policijska Uprava, PS Velika Kladuša

**Predmet: HITNO postupanje, traži se**

Poštovani,

Općina Velika Kladuša posljednjih godina izložena je problemima sa migrantima koji su i prije pojave koronavirusa (COVID -19) predstavljali potencijalnu opasnost za život, zdravlje i sigurnost građana Općine Velika Kladuša, **zbog čega su upućene brojne urgencije za hitno postupanje nadležnih institucija u BiH.**

U trenutnoj epidemiološkoj situaciji izazvanoj pojavom i širenjem koronavirusa građani Općine Velika Kladuša suočeni su sa dosada najvećim strahom i rizikom za život, zdravlje i sigurnost svojih porodica, a koje je uzrokovano smještajem, neodgovornim ponašanjem i nekontrolisanim radnjama koje migranti čine svakodnevno na području Općine Velika Kladuša.

Općinski štab civilne zaštite i Operativni centar službe CZ **zaprima** veliki broj prijava građana, koje se odnose na migrante, nepoštivanje mjera od strane migranata, provale u privatne objekte - kuće, krađe i druge radnje počinjene od strane migranata **kojima** se nanosi šteta po građane Općine.

Smatramo, da je najveći broj migranata napustio **ilegalni** kamp Miral i smještaj osigurava provalom/obijanjem privatnih stambenih objekata, koji su trenutno prazni jer se vlasnici nalaze u inostranstvu, te su spriječeni za dolazak kako bi dodatno osigurali zaštitu svoje imovine.

**Od trenutka proglašenja stanja nesreće uzrokovane pojavom novog koronavirusa (COVID-19), primjetan je povećan broj migranata na području Općine Velike Kladuša.** Posebno nas zastrašuje i zabrinjava činjenica da se migranti svojim ponašanjem ne pridržavaju bilo kakvih mjera zaštite u trenutnoj epidemiološkoj situaciji (obavezna upotreba dezinfekcijskih sredstava prilikom ulaza u trgovine, pridržavanje mjera udaljenosti među licima u trgovinama, marketima i drugim objektima, obavezno nošenje zaštitnih maski i rukavica, zabrana grupisanja, mjere zabrane kretanja i dr.) a što dodatno povećava strah i nesigurnost građana **Velike Kladuše.**

Radi zaštite života, zdravlja, sigurnosti i imovine građana Općine Velika Kladuša tražimo **HITNO** poduzimanje mjera od strane nadležnih organa, institucija i organizacija radi izmještanja migranata sa ulica Velike Kladuše i provođenje mjera zabrane kratanja migranata shodno Naredbi Federalnog štaba civilne zaštite broj: 12-40-6-148-47/20 od 24.03.2020. godine i provođenje drugih mjera usmjerenih na zaštitu stanovništva Općine Velika Kladuša ugroženog velikom koncentracijom migranata na ovom području.

**Komandant Štaba Civilne zaštite Općine Velika Kladuša**  
**Refik Tabaković**

**Dostavljeno:**

1. Naslovu;
2. a/a